

[Sápmi](#) 28.12.2015 klo 14:19

Anára doaibmaviessu joatká – Vuohču doaibmavissui eai ožžon ruđa

SámiSoster-searvi ii ožžon ruđa álggahit Vuohčus seammalágan doaibmaviesu go Anáris lea. Anára doaibmaviesus gal deaivvadeamit joatkašuvvet, muitala SámiSoster-searvvi ságadoalli Ristenrauna Magga.



Govva: Anneli Lappalainen / Yle Sápmi

Anáris rahppojuvvui mannan čavčča deaivvadanbáiki, mas galgá leat nu vuollegis šielbmá, ahte dan badjel duostá lávket. Doaibmaviesu ulbmil lea čohkket olbmuid oktii, juohke deaivvadeapmái lea smihttojuvvon prográmma gárvvisin.

Seammalágan deaivvadanbáikki lei SámiSoster-searvi hálidan álggahit Vuohčusge, muhto sii eai ožžon ruhtadeami.

– Eat ožžon ruhtadeami, muhto ferte dušše ohat ođđasit ruđa Vuohču doaibmaviesu várás, dadjá Ristenrauna Magga.